

四庫全書

史部

欽定四庫全書

史部

欽定大清會典則例卷八十六

詳校官檢討臣劉炘

編修臣程嘉謨覆勘

總校官原任中允臣王燕緒

校對官中書臣袁文邵

謄錄監生臣劉國永

欽定四庫全書

欽定大清會典則例卷八十六

禮部

祠祭清吏司

喪禮一

下

世宗憲皇帝大喪儀雍正十三年八月二十三日

世宗憲皇帝崩

皇帝於本日

親視小斂至申時大斂奉

梓宮於

乾清宮中設

几筵

簡命王公大臣恭理喪儀並

簡進爵大臣

皇帝截髮辮諸皇子咸截髮辮成服

皇太后

皇后妃嬪公主皇子福晉及凡宮人等咸剪髮摘耳

環成服

大行皇帝鹵簿全設親王以下有頂帶官員以上公主  
和碩福晉以下佐領三等侍衛妻以上及內府  
男婦咸齊集近支王等福晉遵從前

世宗憲皇帝之旨在內齊集○是日奏準按八月節氣  
每日於辰時設朝奠申時設夕奠午時獻饌筵

二十四日

諭朕受

皇考鞠育顧復深恩昊天罔極今忽遭大故

龍馭上賓朕自念生平無纖毫之報答日夜哀泣痛入

五中況我

皇考仰體

聖祖仁皇帝付託之重教養萬國臣民十三年來旰食

宵衣苦心遠慮備極勞瘁此朕所親知親見者是

以薄海内外共享昇平之福貽及子孫不獨朕心

感切仰報無由也若服制一節仍遵定例朕心實  
爲不忍惟有行三年之喪稍盡思慕之情於萬一  
天下臣民仍照定例行著諸王大臣即行會議具  
奏欽此○又

諭嗣後奠獻時總理事務王大臣著在乾清宮廊下  
瞻仰行禮欽此○是日朝奠時由部將齊集之王  
公大臣蒙古額駙等職名開列具奏奉

旨特簡親王貝子公等數人進內瞻仰此後王公大

臣及額駙台吉等有初到者均遵

旨開列職名進呈候

旨命其進內瞻仰○是日奏

大行皇帝入

梓宮後鹵簿大駕全設設丹旄於

乾清門外之左王以下文武各官以上公主和碩

福晉以下宗室之女佐領三等侍衛等之妻以

上咸令成服革職宗室覺羅亦令成服革職滿



漢大臣官員不準與外藩進貢人員並外藩公  
主福晉郡主等額駙王台吉等若未除服前到  
京並令成服除服以後令其男摘冠纓女摘耳環  
三日專司

太廟

奉先殿

壽皇殿祭

神殿

陵寢祭事務男婦內監等及出征在軍營官兵家屬  
皆停給孝服本人父母新喪及兒女出痘暫免  
成服

御前大臣侍衛

乾清門侍衛等咸令在

乾清門內五旗王以下入八分公以上內大臣內  
閣大學士前鋒統領護軍統領上三旗都統副  
都統學士等及上三旗侍衛內務府官員每日

令其三次在

乾清門外分翼排立五旗都統副都統八旗官員  
各部院大臣官員漢大臣官員均每日令其三  
次在

景運門外分翼排立竢奠獻時隨班行禮舉哀若  
命婦不齊集日右翼大小官員令其照常

隆宗門外排立王貝勒貝子公大臣等公主和碩  
福晉以下郡主入八分公夫人以上每日令其

三次奠奠獻時隨班行禮舉哀在內

皇子王等福晉公主郡主等令其在

景山前東柵闌外乘馬進

神武門至

蒼震門下馬進內五旗王等福晉郡主等令其在

景山前東柵闌外乘馬進

神武門至

隆宗門下馬進內大臣夫人令其在

景山前東柵欄外乘馬至

神武門下馬步行進

隆宗門在京漢文官

隆宗門外齊集每日隨班舉哀三次三日後停止  
四日王貝勒貝子公公主福晉等皆各在私第  
部院官在各公署閒散官在

闕門外共齋戒二十七日王以下文武官一年不  
作樂百日不嫁娶在京軍民人等摘冠纓素服

二十七日一月不嫁娶百日不作樂二十七日  
不祭祀漢文武候選候補官舉貢生監吏典僧  
道官咸素服於順天府齊集早晚哭臨凡三日  
未除服內批本用藍筆各部院行文皆用藍印  
奏章俟十五日後再行具奏均用朱印

京師寺廟各聲鐘三萬杵本日奉

旨是過十五日以後仍用藍筆○是日王公百官及  
福晉命婦等哭臨仍照二十三日齊集之處齊

集行禮○二十五日奉

旨

聖祖仁皇帝龍馭上賓時閒散覺羅等曾與孝服今  
皇考大事亦著照前例行○又

諭

大行皇帝前奠獻茶膳所須器皿皆著用

皇考從前常用者尚膳人員於奠獻陳設不甚熟練嗣  
後著伊等將膳案舉至乾清宮前檐下令內監接

進奠獻欽此○又奉

旨頒發

大行皇帝遺詔例繫大學士恭奉安設於

几筵前東案朕今欲親身恭奉安設○二十六日奉

旨

皇考前奠獻時閒散宗室覺羅皆在乾清門外齊集亦  
著伊等進乾清門瞻仰如何令伊等瞻仰之處議

奏遵



旨議準每奠獻時以宗室三十人覺羅二十人輪流入內瞻仰以申哀慕○二十七日頒

大行皇帝遺詔大學士奉

詔至

乾清宮檐下

皇帝接受安奉於黃案行一跪三拜禮興由

乾清宮左門出西嚮立大學士由右門入進至黃

案前行三叩禮跪奉

詔興由中門出

皇帝跪候過回宮次餘儀均與康熙六十一年同

統兵大臣官員於

遺詔到日摘冠纓素服跪接進營行三跪九叩禮跪聽  
宣讀畢舉哀行禮官兵皆摘冠纓三日直省文武各官

遺詔到日摘冠纓縞素跪接至公署行三跪九叩禮跪  
聽宣讀畢舉哀行禮成服朝夕哭臨凡三日

至二十七日除服官員命婦軍民人等及妻皆  
二十七日素服凡有頂帶官員及舉貢監生典  
吏僧道官咸素服於各該管衙門內朝夕舉哀  
三日督撫提鎮咸免進香悉照康熙六十一年  
喪儀定制行○是日奏準九月初一日辰時三  
刻值日食是日朝奠請移於卯時正二刻○九  
月初一日祭

帝王廟承祭官及分獻執事官咸素服雨冠不作樂

百官不陪祀○初四日

諭自古臣子之於君父皆有諱名之義載在禮經著於史冊所以展哀慕而致誠敬也雍正元年

皇考特頒諭旨謹將

聖祖仁皇帝聖諱二字欽定避易書寫今朕紹承大位  
哀痛方深

皇考聖諱理應恭避敬遵

皇考從前欽定典制嗣後凡內外各部院文武大小衙

門一切奏章文移過

聖諱上一字則書允字

聖諱下一字則書正字該部敬謹遵行欽此○又

諭自古聖帝明王功德大成必有顯號徽稱所以昭垂萬世典至鉅也我

皇考大行皇帝乘乾御極撫御萬邦錫福誠民德化翔洽虔恭寅畏昭事

蒼穹郊祀祈年必親必敬欽承

祖烈光大前猷至孝肫誠千古未有當

皇祖上賓時盡制盡倫喪儀隆備

親送

梓宮屢謁

陵寢歲時瞻拜

御容舉念常伸孺慕繼

顯謨之盛推

錫類之仁

宸衷祇敬則朝乾夕惕歷久彌勤

親政憂勞則盛夏祁寒未嘗稍間整綱飭紀明目達聰  
施措咸宜德威並用篤宗室則立學以隆教育惠  
八旗則賜帑以備吉凶厚臣工而加俸養廉眷忠  
臣而建祠賜祭勵廉能以察吏宏薦拔以羅才廣  
藉田以重農桑定品式以崇節儉重道則

經筵歲舉愛士則科目頻加隆

先師五代之王封新闕里千秋之廟貌修明典禮懷

柔百神厚植綱常旌揚節孝蠲逋減賦不惜億萬  
之帑金開墾築堤永享萬年之樂利備振則廣行  
積貯養兵則優贍身家律例則釐定科條決讞則  
特詳咨酌廣開言路詳示

殊批洞矚羣情慮周六合大閱以詰兵戎訓練以修武  
備

睿謨獨運而小醜立奏蕩平

聖武布昭而荒徼永圖綏靖開天明道



聖學高深覺世牖民

宸章炳煥闡聖賢之精蘊宣心性之圓機函蓋古今彪

燦宇宙

天心協應有感必通德盛化神諸瑞畢至千古帝王之

良法善政至

皇祖而集其大成我

祖宗之駿烈宏猷迨

皇考而益徵善述眇予冲子寅奉丕基仰惟

功德之隆宜備尊親之典故循禮制恭上

尊諡

廟號爾部詳察典禮具奏欽此○又

諭諸王大臣奏稱三年之喪難以舉行請朕仍依舊制以二十七日除服朕受

皇考顧復深恩昊天罔極中心哀慕實不能自己所以欲行三年之喪稍盡子臣之誼朕承

皇考付託之重總期恪守

貽謀仰遵

先志使天下乂安永享昇平之福乃朕之孝非以持服三年遂爲盡孝也自古帝王亦有行三年之喪者今諸王大臣所引杜預心喪之說後人多議其非朕自幼讀書與未嘗披覽載籍者有間此等議論豈可援以爲據耶若以

遺詔有二十七日釋服之旨此乃爲天下臣民而言非指朕一人也從前

皇祖聖祖仁皇帝沖齡踐阼未得舉行而我

皇考大行皇帝即位之時軍國重務速應辦理之處甚多是以俯準廷臣之請然素服齋居三年如一日也今經

皇考十三年宵旰勤勞孜孜圖治舉凡大綱小紀莫不悉有章程今日遵守成規一如

皇考在日朕親承指授一一奉行不已輟轉思維三年之喪在朕今日實屬可行況昨日大學士等奏稱

十五日以後應照例送本辦事朕已允行豈行三年之喪遂不能辦理一切事務乎至於

郊壇祭祀大典原可並行不悖諸王大臣所奏以日易月之說斷不準行朕意已定毋得再請其如何舉行三年之喪諸王大臣詳稽典禮確議具奏欽此

○是日奏準恭上

尊謚

廟號大典攸關應遵舊典會同諸王大臣九卿詹事科

道文官六品以上武官四品以上詳考舊章從  
公確議○初五日行殷奠禮與康熙六十一年  
儀同是日送燎

皇帝親詣祭酒

自是每祭送燎奏遣大臣  
祭酒皆奉

旨親詣

○初六日

諭朕惟致治莫先於崇孝徽稱首重夫易名天地之  
覆載同功帝后之尊親一體欽惟

孝敬皇后作配

皇考懋著坤儀孝德夙洽於宮闈仁惠久孚於壺掖朕

恭承顧復備荷

恩慈茲恭上

皇考大行皇帝尊謚宜並追崇恭上

尊謚以展孝思以昭萬世爾等詳稽典禮具奏欽此

○又

諭各省督撫大員有進貢方物之禮昨福建督撫齎到閩省果品仍照例進獻於

皇考之前者朕不便發回已交所司敬謹收貯以備



凡筵供應之用若遠省大員進貢

皇考之物已齎送在塗者準其赴京交奏事官員轉奏  
其各省照例進朕之物槩行停止雖食物果品亦  
不許進俟三年之後候朕再降諭旨著通行傳諭  
各省督撫等一體遵行欽此○初七日

諭今日禮部奏稱奉移

梓宮擇於本月十一日伏念奉移之期太近朕覽奏慟  
入五中諭令展期而諸王大臣奏稱奉移之後尚



有大祭典禮限於時日不便更易朕勉從十一日  
之請禮部又奏稱

梓宮出東華門時朕乘輿由別路先至

雍和宮迎迓等語朕在哀痛迫切之際豈可乘輿由別  
路前行當步行隨

梓宮後送至

雍和宮禮部又奏稱奉安

梓宮之後是日朕即回宮等語敬思

梓宮安奉之後哀慕正切何忍遽離朕意欲於

雍和宮苦次居住百日稍展思慕之忱於萬一欽此○

是日奏準奉移

梓宮

皇帝聖孝純篤必欲步行不敢勸阻至於

雍和宮居住百日之

諭旨再四酌議二十七日後

皇帝泣官聽政必應在

宮殿之中此乃一定體制謹仰體

皇帝孝思請於二十七日內

皇帝在

雍和宮苫次居住至奉移

梓宮之日及大祭次日繹祭之期

皇帝例應回宮者仍應循照

國朝定制○又

諭諸王大臣援引典禮議稱朕於二十七日之後應

在宮殿之中乃一定之體制等語朕思二十七日  
之後既不於

雍和宮苦次居住則朕哀慕之思何能自釋應於百日  
之內每日親詣

雍和宮一次奠獻諸王大臣將親詣時刻酌定具奏欽  
此遵

旨議準二十七日後

皇帝蒞官聽政事務殷繁若每日

親詣

雍和宮一次往來數十里難以兼辦政務謹擬奉移  
梓宮後百日內應請

皇帝於數日

親詣

雍和宮一次其

親詣之日或早或午不必拘定時刻如此既可展  
皇帝之孝思而於典禮亦協初八日奉

旨一月之內朕每日親詣一次一月以外間一日親詣一次兩月以外間二日親詣一次 初九日詣

王大小官員議奏欽惟

大行皇帝丕冒八埏曲成萬物有與

天同體之德有敬

天行健之功凡運會之彌昌彌熾皆

聖德之可法可傳中以宅心正以體政文以敷化武以定功英以決幾明以燭理寬以居之仁以行之

信以成之毅以守之而皆本之於大孝運之以  
至城謹按虞書曰慎乃憲說命曰惟聖時憲又  
曰監於先王成憲周禮疏云憲法以示人曰憲  
蓋惟憲天立教之聖人然後能慎法度修政事  
俾萬世奉為成憲守而不忘若虞舜商湯周之  
文王武王皆是也竊謂

## 大行皇帝

尊謚於憲為宜又按禮記祖有功宗有德周公作無逸

稱殷有三宗而周文武之廟並稱世室竊惟

大行皇帝

廟號宜稱

世宗與

太祖

太宗

世祖

聖祖並為百世不祧之廟擬敬上



尊謚曰

敬天昌運建中表正文武英明寬仁信毅大孝至誠憲  
皇帝

廟號曰

世宗天下萬世稱曰

世宗憲皇帝庶足以顯揚

大德表著

魏功本曰

諭諸王大臣公同議上

皇考大行皇帝

尊諡曰

憲皇帝

廟號曰

世宗於我

皇考至德鴻猷實相符合禮稱祖有功宗有德廟號之  
稱祖稱宗均屬尊崇之極而象功昭德惟期允當

方協至公昔我

皇祖聖祖仁皇帝久道化成身兼創守平定逆藩掃清  
朔漠神功駿烈自古莫與比隆

廟號定應稱祖

皇考大行皇帝善繼善述敬

天勤民十三年來宵旰憂勞咸熙庶績昭萬年之景福  
固百代之丕基

廟號

世宗正合古宗有德之意上配

烈祖百世不祧此乃天下萬世之定論非在廷諸臣尊  
崇祖父敷揚稱頌之私情尤非朕一人哀感

隆恩表章

盛德之私願所能強置一辭也在我

皇考神謨垂於宇宙厚澤洽於臣民即罄厥揄揚難盡  
萬一今據所奏敬擬上

尊謚

廟號詳慎公當足以昭示萬年朕心深爲慰愜所有應  
行典禮該部敬擬具奏欽此○是日以奉移

梓宮祇告

几筵讀文致祭行啟奠禮

皇帝親祭酒

命總理事務辦理喪儀王大臣及近御諸臣齊集

乾清門內隨行禮餘儀與初五日殷奠同○初十

日

諭十月三十日爲我

皇考聖誕伏思

皇祖聖誕之期天下臣民虔誠齋肅禁止屠宰嗣後恭

遇

皇考聖誕之日著遵照此例敬謹奉行欽此○十一日

奉移

大行皇帝梓宮暫安於

雍和宮

皇帝步行恭送是日鹵簿全設屆時

皇帝詣

梓宮前祭酒三爵退跪於東旁俟奉移

梓宮升小輦

皇帝躬導至景運門外

梓宮登大昇輦

皇帝於東北隅西嚮跪禮部堂官祭輦三祭酒行三

叩禮衆隨行禮畢

靈駕發

皇帝於左旁隨行由

東華門東安門出王以下公以上於

東華門外按翼齊集內務府官於

東安門內西旁齊集左翼民公侯伯以下有頂帶

官員以上於金魚衚衕南大街齊集右翼民公

侯伯以下有頂帶官員以上於鐙市口北大街

齊集漢文武各官於新橋東大街齊集時候



靈駕至跪迎舉哀候過隨行

皇太后率

皇后妃嬪由

神武門地安門出豫往

雍和宮殯殿後恭候公主福晉以下內務府官員妻以  
上咸豫往各齊集處排立候

靈駕至舉哀跪迎內府護軍領催人等之妻皆於

東華門內三座門外跪舉哀候過舁輦夫役八班

首班末班以鑾儀校尉八十人餘班每班八十人選五城民夫給以衣履令其澡沐又以民公侯伯一等侍衛以下叅領輕車都尉以上給事中御史郎中以下員外郎等官以上每班令八人管轄鑾儀衛官四人輪流指示進退昇丹旒每班三十二人以部院官四人內府官四人隨行所過門橋遣內大臣祭酒焚楮錢

梓宮至

雍和宮昭泰門前降大昇輦登小輦由中門入於  
雍和宮永佑殿暫安奉

皇帝隨入

殿外東旁立執事官入內奉安

梓宮畢

皇帝入立左旁王以下奉國將軍以上大學士以下  
副都御史以上民公侯伯以下副都統以上於  
雍和門外兩旁序立舉哀其餘大小官員咸於

昭泰門外序立舉哀

皇帝祭酒三爵每祭行一拜禮衆皆隨行禮畢焚楮  
定丹旄遂以別殿爲苦次

皇太后

皇后妃嬪皆還宮衆各退○是日諸王大臣遵  
旨議定三年喪禮具奏本日

召入諸王大臣面

諭諸王大臣所議三年喪禮援據經傳斟酌典章甚

為詳悉朕惟

皇考臨御十有三年居心行政念念出於至誠此諸王大臣所共知共見者

皇考聰明天亶建極綏猷垂法萬世朕雖不能仰企萬一惟此誠之一字實欲身體力行黽勉效法以圖善繼善述至持服三年乃朕哀慕至情萬不能已並非欲博行三年喪之名也況持服三年亦何足以言孝所願吾君臣同德同心勤求治理使民物

康阜海宇又安今天下咸頌我

皇考付託得人此吾君臣所當勉者今覽所奏諸王大  
臣深悉朕迫切苦衷俾得稍展哀忱可謂能諒朕  
心矣但所議尚有一二宜酌者如元旦朝賀請朕  
吉服陞殿朝正固國家之古典然羣臣實爲朕一  
人稱慶在二十七月之內吉服受賀朕心實切不  
安又稱御門涖官聽政用素服冠綴纓緯等語朕  
縞素齋居凡一切引見官員啟事降旨皆可於便

殿隨時舉行非必須御門方可辦理也至

郊

廟大祀朕自不敢因一己孺慕之私情有闕

天

祖禘嘗之鉅典所議朕詣行禮甚是但先期齋戒所以  
潔齋心志對越

神明朕意遇齋戒之日即當素服冠緞纓緯其視祝版  
亦當照例用禮服以昭敬謹朝

日夕

月雖遣官行禮然誠敬之心默為昭格陟降左右不啻親承朕意於遣祭正日亦應素服冠綴纓緯方與禮意相合又所議朕躬及羣臣諸典制皆屬明備皇后妃嬪及皇子持服之處尚未議及爾等一并詳稽典禮再議具奏欽此遵

旨議準謹按王制喪三年不祭惟祭天地社稷為越紼而行事注謂不敢以卑廢尊是天地社稷之



祭三年之內於古禮本當親行明呂坤謂祖宗  
不輕於父母奉祭不緩於居喪何可久廢誠以  
天祖一理宗廟之祭亦當並舉凡遇

天

地

太廟

奉先殿

社稷大祀

欽定四庫全書

欽定大清會典則例

卷一百一

二十八

皇帝親詣行禮皆禮服行禮作樂先期齋戒用素服  
冠綴纓緯視祝版用禮服朝

日夕

月饗

帝王

先師

先農遣官行禮咸用禮服作樂正祭之日

皇帝素服冠綴纓緯按諒陰之制先儒謂上古本無

可考史載魏孝文帝唐德宗釋服後仍以素服  
練巾聽政宋仁宗雖用以日易月之制改服臨  
朝宮中實行三年之喪蓋縞素不可以臨朝前  
代行三年之喪者亦惟宮中素服而已朱子云  
人主不免於視朝聽政豈可不酌輕重而爲之  
權制此不易之論也謹擬百日内

皇帝服縞素百日外請髮易素服詣

几筵前仍服縞素

御門涖官聽政恭詣

皇太后宮咸素服冠綴纓緯遇

陞殿受朝不宣表不作樂咸用吉服禮服並一切典

禮咸用禮服至二十七月服滿照百日禮致祭  
禮畢

皇帝除服帝后齊體服制不容有異

皇后持服自應遵照

皇帝舉行伏惟

皇后朝夕侍奉

皇太后兼有祭

神報祀之禮應於二十七日後在宮中素服遇一切典

禮日期咸禮服恭詣

几筵前仍用縞素

妃

嬪於二十七日除服後二十七月之內咸素服遇

一切典禮日期咸禮服

皇子與諸王羣臣同在京王公百官咸二十七日  
除服百日剃頭除服後各衙門有應行典禮及  
朝會坐班仍用禮服吉服從事入朝奏事在署  
辦事咸素服冠綴纓緯恭詣

几筵前則冠去纓緯二十七月服滿

皇帝除服後咸遵吉禮行在京王公百官二十七月  
內不作樂不燕會一年內不嫁娶外省官員及  
軍民人等仍照從前定例行各衙門進呈本章

於二十七日百官除服後皆用硃印二十七月

內門神對聯

太和殿

中和殿

保和殿仍照常張挂餘處俟除服後張挂王公以下有頂帶官員以上咸俟二十七月後張挂軍民人等仍照常例行○十五日行初祭禮是日早陳羊酒祭筵各祭物如數設

金匱要略卷之四十一  
大行皇帝冠服於几筵陳鹵簿大駕於

雍和門至寰宇尊親牌坊陳楮錢於牌坊內和碩親王以下內大臣侍衛民公侯伯副都統侍郎以

上咸於

雍和門外按翼序立內府佐領內管領於

雍和門外序立三品官員以下有頂帶官員以上於昭泰門外按翼序立在內

皇子王等福晉公主郡主等在



雍和宮內照常齊集在外諸王福晉以下子一品夫人  
以上在大門內右旁齊集三旗內府佐領內管  
領下官員執事人護軍領催等之妻在命婦後  
序立

雍和宮月臺兩旁設祭品案中間設祭酒案

殿檐下西旁設祭文案質明禮部堂官恭奉祭文由  
雍和門中門入陳於案至時奏請

皇帝詣

凡筵前舉哀讀祝官奉祭文跪

皇帝跪衆皆跪暫停舉哀讀文畢舉哀

皇帝祭酒三爵每祭行一拜禮衆皆隨行禮祭畢

皇帝復原位立舉哀俟徹饌畢讀祝官奉祭文禮部

堂官前導至燎所東立西嚮

皇帝豫出左門祇俟內監等恭奉

大行皇帝冠服出

皇帝跪候過隨行至月臺下內大臣十人前引出

雍和門中門王公內大臣侍衛二品以上大臣官員  
咸跪候過隨行鴻臚寺官豫引

昭泰門外齊集各官至燎所東西牆旁序立俟祭文  
大行皇帝冠服至皆跪候過起立

皇帝詣祭酒處跪衆皆於原立處跪大臣進爵

皇帝祭酒三爵每祭行一拜禮衆隨行禮祭酒畢

皇帝興東嚮立俟進爵大臣灌畢止哀

皇帝退由西牆門出乘輿

還宮衆皆退○是日奏準蒙古額駙等於十六日質

明詣

雍和宮瞻仰

几筵 十六日繹祭內務府禮部工部堂司官員等及

內務府官員等妻齊集舉哀致祭陳設禮儀與

康熙六十一年同○十八日奏準漆飾

大行皇帝梓宮應照欽天監選擇吉期自本月二十四

日起照例漆飾四十九次今先行漆飾數次天

氣漸寒暫行停止竣來春再加漆飾○十九日  
行大祭禮齊集讀文舉哀致祭

皇帝親詣祭酒陳設禮儀與初祭禮同是日在京王  
公文武各官咸除服○二十日繹祭陳設禮儀  
與十六日同○二十三日行周月致祭禮王公  
各官咸照常齊集行禮致祭儀與初祭同後凡  
遇周月致祭禮儀皆同○二十六日遵

旨議準恭上

大行皇帝

尊謚

廟號所有應用玉

冊玉

寶香

冊香

寶絹

冊絹

寶及

寶盞

冊箱袂架等項均交工部敬謹造辦其

冊文

寶文交翰林院撰擬至告成日令欽天監擇吉由部以

恭上

尊謚應行典禮具奏○十月十三日遵

旨議準謹按郊祀鉅典吉禮攸先但今冬至大祀尚

在

大行皇帝賓天百日之內此次祀典應遣官恭代至明年正月上辛祈穀則已逾百日請於乾隆元年

正月祈穀時恭請

皇帝親詣行禮又按十一月十三日爲

聖祖仁皇帝忌辰見在百日內

鑾輿未便遠行亦應遣官恭代俟明年清明節親詣景陵爲期不遠得展孝思至歲暮大禘已逾百日所屆



合食之期允宜恭請

皇帝親行裸獻○十六日奏準十月二十日

大行皇帝聖誕

皇帝早詣

雍和宮於

几筵前行禮未滿百日應仍喪服○十一月初二日題  
準恭選得十一月十二日巳時恭上

大行皇帝

尊諡前期一日遣官各一人祇告

天

地

太廟後殿

奉先殿

社稷暨

孝敬皇后几筵至日陳鹵簿於

雍和門外

皇帝素服御太和門閱

冊寶行一跪三拜禮畢還宮易喪服詣

雍和宮別殿祇奠屆時恭進

冊寶宣讀行禮親王以下文武四品官以上咸隨班行

禮奠帛讀祝三獻爵送絹

冊寶詣燎位一應禮儀均與康熙六十一年同禮成

皇帝乘輿還宮衆皆退翼日

頒詔布告天下祇告

天

地

太廟

社稷遣官及執事各官咸朝服

奉先殿補服

孝敬皇后几筵前素服

几筵前奉

冊

寶大臣執事官員及齊集王公大臣官員咸素服綴冠  
纓行禮○十一月二十一日恭上

孝敬憲皇后

尊謚儀駕全設於田村

殯宮大門外

皇帝御太和門恭閱

冊

寶畢豫詣田村幄次恭俟至時恭進

冊

寶宣讀行禮奠帛獻爵讀祝送燎儀均與恭上

世宗憲皇帝

尊謚禮同○二十四日

諭雍正元年我

皇考請髮及御門聽政皆在

皇祖梓宮奉移

山陵之後今百日將屆

皇考梓宮尚在

雍和宮若即剃頭朕心不安但歲底新正又有壇

廟祭祀大典朕當親行者其禮當何如王大臣等確議具奏欽此遵

旨議準雍正元年元旦尚在

聖祖仁皇帝大事百日之內而奉移

山陵之期甚近是以

世宗憲皇帝請髮以及御門聽政均得於奉移

山陵後舉行今乾隆元年元旦已在

世宗憲皇帝大事百日之後而

山陵工程尚未告竣奉移之期尚早歲暮新正一應

壇

廟祭祀大典

皇帝親詣行禮之處甚多時有不同禮以義起應請  
皇帝於二十九日請髮十二月初一日後



御門聽政於禮允洽○是日奉

旨王大臣議奏乾隆元年正月初一日朕躬若往

雍和宮行禮不便具禮服亦不便摘冠纓於初二日再  
往行禮等語正月初一日朕躬若不往

雍和宮行禮朕心如何得安況有雍正元年正月初一  
日

皇考素服往

壽皇殿門下行禮之例乾隆元年正月初一日朕躬前

往

壽皇殿行禮畢在

觀德殿更素服往

雍和門下行禮○二十九日行百日致祭禮陳羊酒  
祭筵各祭物如數王以下大小官員咸齋集儀  
與初祭同○十二月初九日奏準本月二十三  
日乃周月致祭之期是日適逢立春應移於豫  
期二十一日致祭○二十一日奏準

太廟祫祭

皇帝親詣行禮自二十六日爲始齋戒三日

世宗憲皇帝歲暮致祭禮應移於二十五日○二十五日行歲暮致祭禮陳羊酒祭筵各祭物如數王以下大小官員咸齊集儀與初祭同○二十九日奏準乾隆元年正月初一日

雍和宮照常三次奠獻此一日停止舉哀○乾隆元年二月十四日奏準朝鮮國王遣陪臣恭詣

世宗憲皇帝几筵前進香於十七日行禮是日設

世宗憲皇帝鹵簿於

雍和門外讀祝官恭奉朝鮮國祭文進

雍和門豫設於

永佑殿檐下黃案上王以下奉恩將軍以上民公侯伯

以下滿漢文武四品官以上咸齊集按翼序立

朝鮮國陪臣等官戴展翅烏紗帽素服角帶鴻

臚寺官引立於右翼之末內府官陳設祭品點

朝鮮國所進香燭畢鴻臚寺官引朝鮮國陪臣等官至儀仗之南嚮北立聽贊行禮儀與雍正元年同○二十四日行清明致祭禮陳羊酒祭筵如數此日不焚楮帛豫日進挂紙錢寶花一  
座於

几筵之左旁設祭品案於

永佑殿月臺兩旁設奠几於月臺正中王以下一品大臣以上於

雍和門外按翼序立二品以下官於

昭泰門外按翼序立至時奏

聞

皇帝詣

几筵前舉哀獻茶上食畢

皇帝詣奠几前跪衆各於序立處隨跪

皇帝祭酒三爵每祭行一拜禮衆隨行禮畢

皇帝興退立原位舉哀衆隨舉哀畢

皇帝乘輿還宮○六月二十二日奏準本月二十三  
日繫周月致祭之期適值大暑禁焚楮帛之時  
几筵前請停止安設衣冠○七月十五日行中元致祭  
禮陳羊酒祭筵各祭物如數王以下大臣官員  
以上咸齊集儀與初祭禮同○八月初十日

諭本月十三日詣

雍和宮行禮據禮部儀注奏稱請照今年元旦之例  
雍和門行禮朕思元旦乃天下臣民公共之大節只

得勉從所請今朕一人誕辰非元年歲朝可比朕  
仍詣

几筵前行禮欽此○二十日奏準恭按

世祖章皇帝於二周年後安奉

地宮彼時自期年後每日一次奠獻每月饌五筵羊三  
酒三尊楮錢五千楮帛五千致祭

聖祖仁皇帝於期年內安奉

地宮於安奉前每日仍三次奠獻每月饌十有一筵羊



五酒五尊楮錢一萬楮帛一萬致祭本月二十三日於

世宗憲皇帝前行期年致祭禮至十月十一日奉移梓宮於

泰陵至次年三月初二日安奉

地宮奉移之前請照

聖祖仁皇帝前奠獻之例每日三次至奉移

泰陵安奉

地宮之前請照

世祖章皇帝前奠獻之例每日一次其月祭所用饌筵  
羊酒楮錢楮帛等項仍照見行例致祭○二十  
三日行期年致祭禮陳羊酒祭筵各祭物如數  
王以下大小官員以上咸齊集儀與初祭同○

九月初四日

諭禮部議奏恭送

梓宮儀注內稱奉移

梓宮發引時朕隨出寰宇尊親牌坊門跪於街南恭候  
過後朕乘輿出西直門前往恭候至於

靈駕到

泰陵三洞橋更換小輦時朕先至

隆恩門恭候到

陵後安奉次日祭畢即行還京等語

雍和宮奉移之日朕不忍於城內乘輿前往應步送出  
城再乘輿由別路前往以便跪接至三洞橋更換

小舉時朕仍在旁跪候不必先至

隆恩門安奉次日祭畢即回朕心實爲不安朕欲在彼居住數日以申哀慕之忱著總理事務王大臣議奏十月初九日行奉移禮畢朕即在

雍和宮居住恭候發引欽此遵

旨議準謹按前代帝王親送梓宮者少無成憲可稽禮曰既葬反而卒哭又曰既反哭主人與有司視虞牲有司以几筵舍奠於墓左反日中而虞

是安奉既畢原無復行居住之文應請

皇帝遵照雍正元年

世宗憲皇帝恭送

聖祖仁皇帝梓宮祭畢回鑾之例於次日祭後

回鑾實屬允洽○初六日

諭總理事務王大臣等所議奉移

皇考梓宮送至

陵寢照從前

世宗憲皇帝

孝恭仁皇后恭送

聖祖仁皇帝梓宮之例內稱

皇太后宮眷於每日早晨先行由別修道路豫至

蘆殿駐次於朕黃幔城之右等語雖云天子行營宜  
居正中但朕心實不安伏思

皇太后恭送

梓宮宜瞻望

靈駕起行後稍間在後隨行駐次亦應於

靈駕營內至回京時

皇太后仍由原行路回京則既與理相合亦不致勞民  
動眾修墊三道著總理事務王大臣會同再議具  
奏欽此遵

旨議準奉移

世宗憲皇帝梓宮日

皇帝於

梓宮前祭酒三爵

皇太后於

梓宮旁祭酒三爵

皇太后宮眷

皇后宮眷瞻望

靈駕起行後由阜成門出候

靈駕過隨行駐次請於

蘆殿大營東邊稍後建立行營設



皇太后黃幔城每日早晨瞻望

靈駕起行後稍間隨行晚門停止進謁至日由駐次所

修新路先至

隆恩門西所設黃幔城恭候

回鑾時仍由去時所行道路還京○十八日奏準

世宗憲皇帝梓宮於十一月十一日奉移

陵寢前期三日各遣官一人祇告

天

地

太廟

社稷暨

孝敬憲皇后几筵至

陵寢前期一日各遣官一人祇告

泰陵后土之神

永寧山神○十月初九日於

世宗憲皇帝几筵前行祖奠禮陳羊酒祭筵各祭物如

數王以下大小官員咸齊集儀與初祭同○十  
一日奉移

梓宮於

泰陵沿塗分定五程每宿次蓋造

蘆殿第六日至

陵寢暫安奉於

陵寢饗殿前期三日遣官各一人祇告

天

地

太廟

社稷

皇陵后土之神

永寧山神是日鹵簿全設王以下內大臣侍衛滿漢  
大學士民公侯伯三品官以上在

昭泰門外按翼齊集四品以下有頂帶官員以上及  
年老不能步行之大小各官皆於城外闕廂內

齊集在內公主王福晉郡主等於

永佑殿內齊集在外諸王福晉以下一品夫人以上在

雍和門內齊集內府男婦於

雍和門外齊集至時

皇帝詣

梓宮前舉哀祭酒三爵每祭行一拜禮衆皆隨行禮禮

畢奉移

梓宮升小輦

皇帝先詣大門外東旁立

梓宮出跪舉哀興隨出大門

梓宮登大昇輦

皇帝跪於左禮部尚書祭舉三祭三叩興

靈駕發

皇帝隨出步送出安定門外先詣宿次祗候

皇太后

皇后妃嬪以下瞻望

梓宮啟行後均由別路先至宿次祇候不隨送之王以  
下大小官員等隨行出城外關廂在齊集處按  
翼排班跪送舉哀候

靈駕過後各退應隨送王以下大小官員等於過關廂  
後乘馬隨行內監每班十人侍衛每班二十人  
咸更番在

靈駕兩旁隨行近行王大臣侍衛內監等皆近

靈駕隨行恭理喪儀王公大臣內務府工部鑾儀衛堂

官在

靈駕前後兩旁巡察隨行每校尉更班時隨行王公大臣侍衛內監等皆下馬跪俟更班畢仍在原處隨行其次隨

靈駕豹尾班內大臣侍衛隨行其次二班侍衛隨行其次王以下大小官員隨行沿塗所過門橋遣內大臣二人輪流祭酒

靈駕將至



蘆殿

皇帝於黃幔城北門外跪迎舉哀王以下各官咸排班跪迎舉哀

靈駕由北門進

蘆殿衆於黃幔城左右繞至大門外按翼序立陳鹵簿於門前安奉

靈駕列

冊寶於左右乃行夕奠禮

皇帝親祭酒衆隨行禮舉哀畢各退○在塗每日早

陳設鹵簿王公百官齊集恭奉

冊寶安奉亭內行朝奠禮

皇帝祭酒三爵衆隨行禮舉哀跪送

靈駕發王以下大小官員等分翼跪舉哀候過隨行

皇帝步送至第二班仍先詣宿次至

蘆殿敬視陳設跪迎安奉

靈駕行夕奠禮儀與初啟行同○沿塗百里以內文武

官在路右百步外跪迎舉哀候過隨至宿次在黃幔城門外行三跪九叩禮夕奠時文官在正藍旗末武官在鑲藍旗末序立隨班行禮舉哀

○十二日

諭此番恭送

皇考梓宮隨從侍衛官員及內監執事人兵丁校尉等皆應加恩賞賚其夫役人等雖繫雇覓且免丁差一年但今日塗中遇雨衣履未免沾濕亦著一體

加恩賞賚欽此○十六日

世宗憲皇帝靈駕至

陵送往王公百官及

陵寢官員皆於神石山牌坊外排班跪迎竢

靈駕至舉哀候過隨行

皇帝於紅門外跪迎舉哀候過隨行

靈駕自紅門東柵闌入由甬路中道行至三洞橋

皇帝跪候

梓宮降大昇輦登小輦暫安奉

隆恩殿設

几筵內府官恭奉

冊寶設

几筵左右

皇帝祭酒三爵衆隨行禮舉哀各退○是日奏準

世宗憲皇帝梓宮至

泰陵安奉

隆恩殿每日三次點香燭晡時奠果饌一筵

陵寢之貝勒公大臣侍衛等分作二班輪流齊集安奉  
地宮以前

隆恩門令大臣侍衛等守衛周圍內外令總管率八  
旗官兵總兵率綠旗官兵各輪班守護每月二  
十三日周月致祭由部奏遣親王承祭行禮舉  
哀如儀○十七日

駕詣

隆恩殿行暫安奉禮陳設禮儀與雍正元年

景陵安奉禮同○十一月初八日遵

旨議準各

陵大祭遇清明中元歲暮忌辰皆朝服行禮祭畢更素服舉哀冬至日惟朝服致祭不更素服舉哀是  
以會典喪儀內未載有冬至之祭今奉

旨以冬至祭祀關繫大典請於

世宗憲皇帝几筵前供牲帛三獻讀祝致祭令贊禮官

贊禮但

梓宮尚未安奉

地宮且在二十七月以內所有承祭執事各官應不綴

冠纓素服行禮祭品由

泰陵禮部內府掌關防奉祀等官敬謹製辦牲帛由太常寺送往祭文由翰林院照

陵寢冬至祭文體式撰擬○十二月初十日

諭明年二月二十二日朕親送



孝敬憲皇后梓宮前往

泰陵前已頒發諭旨今因禮部奏進儀注奉

皇太后懿旨屆期亦欲親送朕思奉移之日距安奉

地宮之期尚遠

皇太后慈輿可以遲數日啟行少節勞動再三奏懇未

蒙

俞允又降

懿旨

孝敬憲皇后梓宮奉移大事若不親送於禮未盡於心未安欽此傳諭總理事務王大臣禮部工部內務府將一切儀注及塗次行走事宜一并詳議具奏欽此遵

旨議準乾隆二年二月二十二日奉移

孝敬憲皇后梓宮至

泰陵是日辰時奏請

皇帝詣

梓宮前祭酒三爵

皇太后於

梓宮旁祭酒三爵

皇太后宮眷

皇后宮眷瞻望

梓宮啟行

梓宮由殯殿出

皇帝豫詣大門外東旁跪視

梓宮登大昇輦興在左隨行至下馬紅柱處候

靈駕過

乘輿由別路豫往

蘆殿祇奠

皇太后

皇后宮眷由

御路往行營宿次

靈駕將至

皇帝跪迎候過隨行安奉

蘆殿畢供獻果饌

皇帝行夕奠禮畢由東南角門出翼日早

皇帝詣

蘆殿前行朝奠禮

皇太后

皇后宮眷退於

蘆殿東間瞻望

靈駕啟行每日恭迎行禮之處皆照此例行至  
陵之日

皇帝

皇太后

皇后皆先詣

世宗憲皇帝几筵前恭謁畢

皇帝至紅門內東更衣殿內恭蒞

靈駕至紅門外橋東跪迎候過隨行蒞奉安畢於

梓宮前行奠獻禮乃還行營衆皆退

皇太后

皇后宮眷均詣

殿內祭酒三爵畢回行營○又奏準

世宗憲皇帝梓宮奉安

地宮應將香

冊香

寶一同安設

孝敬憲皇后合葬應將全書恭上

尊諡之

冊

寶安設

地宮內其從前

冊

寶於祖奠致祭日焚化○二十五日遣官詣

泰陵於



世宗憲皇帝几筵前行歲暮致祭禮陳羊酒祭筵各祭物如數在

陵貝勒公大臣貝勒夫人公大臣官員命婦內府男婦等咸齊集承祭官行禮如常儀○乾隆二年二月二十一日於

孝敬憲皇后几筵前行奉移禮陳羊酒祭筵各祭物如數王以下大小官員咸齊集儀與奉移

世宗憲皇帝梓宮祖奠禮同○二十二日奉移

孝敬憲皇后梓宮於

泰陵是日由田村啟行儀駕全設親王以下內大臣侍  
衛滿漢大學士四品官以上及三旗內府官咸  
於田村

殯殿大門外按翼齊集五品以下有頂帶官員以上及  
內府佐領人等皆於二班齊集近支王福晉公  
主郡主等於

殯殿內齊集諸王福晉以下命婦以上於

殯殿二門內兩旁齊集三旗內府佐領內管領下官員  
各執事人等護軍領催男婦在二門外兩旁齊  
集各於齊集之處舉哀奠奉移祭酒時隨行禮

皇帝詣

梓宮前祭酒三爵衆隨行禮舉哀畢恭理喪儀王公大  
臣等率夫奉

梓宮昇小輦至大門外登大昇輦乃啟行送往之王公  
百官由別路先往不送往者豫詣二班跪舉哀

候過各退校尉陳儀駕於馬上分隊前行

冊寶鳳輿於黃蓋後行

靈駕左右內監每班各十人在旁隨從步行次宮女車

隨行次內府婦女六十人乘馬隨行次掌儀司

遡內監二十人乘馬隨行次近行王公嫔戚隨

靈駕豹尾班侍衛隨行次二班侍衛行次稍間王公大

小官員乘馬隨行所過門橋遣內大臣二人輪

流祭酒沿塗分爲四程每程豫蓋

蘆殿

靈駕將至送往之王公百官豫詣

蘆殿之黃幔城外按翼序立候至

皇帝跪迎舉哀隨入衆跪舉哀竝入由黃幔城外繞

至大門前排立校尉等下馬設儀駕於大門外

靈駕奉安時乘車宮女於北門外恭候奉安後校尉出

畢下車入六十婦人在黃幔城外下馬隨入送

往之嫺戚婦女豫往

蘆殿幔城內祇候

皇帝祭酒行禮舉哀衆隨行禮舉哀畢各退翼日陳設儀駕衆照常齊集啟行沿塗五十里內地方文武各官在道右跪舉哀候過至宿次於黃幔城外叩謁行三跪九叩禮奠獻時文武官各分立兩藍旗末隨行禮舉哀○是日奉移

敦肅皇貴妃金棺一同送往○二十三日

諭據禮部奏稱向來點

主有具采服之例今

世宗憲皇帝點

主日期在二十七月服制之內除簡命點

主之大學士具朝服外朕與羣臣皆素服不綴冠纓等語朕思服制之內固素服為是但點

主乃繫

皇考萬年崇祀之吉禮朕與臣工在

隆恩殿行禮時咸應從吉服冠綴纓緯可傳諭禮部知

之欽此○又

諭點

主大禮攸闕必取其人品名望素優老成端慤者俾之  
敬謹將事方克稱尊奉之隆儀卿等皆國家大臣  
夙荷

皇考恩遇倚任有年名望素著故藉卿等襄此鉅典其  
體朕哀慕恂忱齋莊儼恪靜慮凝神以對越

皇考在天之靈庶得仰邀



皇考歆鑒朕有厚望焉欽此○二十五日奉

旨衆蒙古王等因

皇考梓宮奉安

地宮懇請叩謁前來將伊等分作三班每日令一班入  
隆恩門隨行禮○又奉

旨隨朕恭謁

泰陵之大小官員有年老不能騎馬及漢大臣官員皆  
著先往祇候○二十六日

孝敬憲皇后梓宮至

泰陵

皇帝先詣

世宗憲皇帝几筵前行朝謁禮畢乃於紅門內更衣殿  
祇奠跪迎

陵寢貝勒公侍衛官員內府佐領下官員人等咸於神  
石山牌坊外跪迎舉哀候過隨行

梓宮入

隆恩殿左旁廬殿內設

几筵陳

冊寶於左右

皇帝祭酒舉哀行禮衆隨行禮舉哀畢各退○二十

七日於

孝敬憲皇后几筵前行暫安奉禮陳設禮儀與

世宗憲皇帝奉安禮同○二十九日遣官各一人以安

葬

泰陵祇告

天

地

太廟

社稷○三月初一日行遷奠禮

世宗憲皇帝几筵前

皇帝親詣行禮

孝敬憲皇后几筵前遣官恭代送往之王以下大小官

員並

陵寢大小官員執事人咸於

隆恩門外齊集在

陵之貝勒公夫人大小官員命婦執事人等之妻咸於  
孝敬憲皇后廬殿前齊集

世宗憲皇帝鹵簿

孝敬憲皇后儀駕全設祭文一同奉入各安設於案祭  
畢恭送冠服於燎所祭酒畢衆皆退至吉時奉

移

梓宮升龍輜後鹵簿儀駕與楮帛一同焚化○是日祭  
畢奉移

世宗憲皇帝梓宮

孝敬憲皇后梓宮各祭酒三爵衆皆於大門外齊集祭  
酒時衆皆隨行禮婦女等豫往方城西旁立俟  
梓宮至跪候過序立舉哀奉

世宗憲皇帝梓宮升方城前所造

蘆殿內正中龍輜上奉

孝敬憲皇后梓宮於

蘆殿內左旁均北嚮設

冊

寶於

梓宮兩旁黃案各奠果饌一筵祭酒三爵衆皆隨行禮

舉哀畢各退○初二日辰刻恭奉

梓宮安葬

泰陵是日早行大葬禮

梓宮前各祭酒三爵衆隨行禮謹奉移

世宗憲皇帝梓宮龍輜由隧道入

地宮安奉

寶牀次奉

孝敬憲皇后梓宮升龍輜入

地宮安奉

寶牀



皇帝親視安奉又特命和親王隨入  
皇帝號痛不已諸臣再四叩請方出

冊

寶各設於兩旁石案乃掩閉

元宮石門畢

皇帝於祭臺祭酒三爵舉哀行禮衆隨行禮舉哀畢  
乃卒哭退是日遣官各一人以大葬禮成告祭  
泰陵后土之神

永寧山神○是日以

敦肅皇貴妃金棺從葬

梓宮安奉

地宮禮成

皇帝出至幄次更衣竣

隆恩殿陳設俎豆牲牢畢禮部堂官奏請詣

隆恩殿行恭題

神主禮鑾儀衛豫設黃輿二於

隆恩殿前丹陛之下設奉

神主龍鳳寶座各一於

隆恩殿內正中左右各一前設供案又前設香案均南

嚮設恭題

神主案二於香案之旁一在東西嚮一在西東嚮設安  
神主櫝案於寶座兩旁南嚮設

御拜褥於正中至時

皇帝御龍袍袞服滿漢大學士各二人朝服執事官

陪祭官咸蟒袍補服贊引官二人恭導

駕由

隆恩門左門入陞正面左階進殿左門至中北嚮立  
鴻臚寺官引王以下入八分公以上由左右門  
陞左右階至丹陛上立文官五品武官四品以  
上於丹陛下按翼序立恭奉

神主大臣二人就案上啟櫝奉

神主各設左右黃案上東西嚮滿漢大學士各詣案前

一跪三叩興各就位於

神宇空處恭點石青畢退立兩旁二大臣恭奉

神主各跪安於龍鳳

寶座三叩退乃行虞祭禮上香奠帛讀祝三獻爵送燎

均如常儀禮成鑾儀衛堂官率校尉舁黃輿升  
丹陛左右設均南嚮太常寺官跪奏恭請

世宗憲皇帝神主

孝敬憲皇后神主升祔

太廟

皇帝詣

寶座前一跪三拜恭奉

世宗憲皇帝神主大學士恭導由

饗殿中門出奉安於正中黃輿內親王一人恭奉  
孝敬憲皇后神主隨出

皇帝奉安

世宗憲皇帝神主畢奉

孝敬憲皇后神主親王奉至黃輿右旁立

皇帝恭接奉

孝敬憲皇后神主跪安於右黃輿內輿就拜位行一跪

三拜禮退立東旁校尉舁黃輿行黃蓋御仗內

大臣十人大學士四人及禮部堂官前導

神主黃輿過

皇帝跪王以下各官皆跪候過隨行至

隆恩門中門

駕由東門出跪候過輿先詣宿次恭奠塗次按程設  
黃幄安奉

世宗憲皇帝神主黃輿居左

孝敬憲皇后神主黃輿居右執事官各設供案於輿前  
每案陳果品十二盤酒三爵前正中設香案陳  
設畢禮部太常寺堂官奏請

皇帝於

神位前行夕奠禮恭導



駕入黃幄詣香案前司香官跪進香

皇帝三上香就拜位行三跪九拜禮畢恭導

駕出黃幄至升輿處升輿還

行營是奠百官不隨行禮翼日早設酒三爵奏請  
皇帝行朝奠禮上香一跪三拜餘如前儀禮部太常  
寺官恭導

皇帝出黃幄立東旁執事官徹案鑾儀衛官引校尉  
進黃幄昇輿仍前列黃蓋御仗十大臣豫至網

城南門外上馬處恭候禮部太常寺堂司官十人前引至網城南門外退

神主黃輿出

皇帝跪候過輿至升輿處升輿王公百官於網城外

按翼跪候過隨行每日朝夕奠儀同百里內文武各官咸朝服於百步外跪迎路右至晚詣黃

幄前三跪九叩行謁見禮按日分爲三站至第四日還京升祔

四日還京升祔

太廟

儀別載

○八月二十三遣官詣

泰陵行再期致祭禮陳羊酒祭筵各祭物如數

寶城前設黃幄几筵遣官於祭臺前祭酒行禮儀與期  
年祭禮同○十一月十九日

皇帝恭詣

泰陵行釋服禮在京王公大小官員奏遣一半隨往於  
寶城前設黃幄几筵讀文致祭陳設禮儀與期年致祭  
同是日王以下大小官員咸素服不綴冠纓於

隆恩門外齊集

陵寢居住之貝勒公夫人大臣官員命婦內府佐領婦

女於

方城前月臺西旁齊集

皇帝行禮時鴻臚寺官引王以下公以上大學士內

大臣侍衛在

陵寢門外民公以下文武各官在

隆恩門外東西廂前按翼序立祭時隨行禮舉哀祭

畢

皇帝釋縞素綴冠纓衆皆綴冠纓禮部堂官恭導  
駕出乘輿回鑾○三年八月二十三日

世宗憲皇帝三周屆期

皇帝躬詣

泰陵於

寶城前致祭行禮如儀

欽定大清會典則例卷八十六